

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 14. sjednici, održanoj dana 11.06.2015. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanika Amira Ganića, broj: 01-38-12051-1/15., od 08.06.2015. godine, vezanoj za izmjene i dopune Kriterija o načinu bodovanja kandidata prilikom zasnivanja radnog odnosa nastavnika, stručnih saradnika i odgajatelja i ostalih zaposlenika u osnovnim i srednjim školama i đačkim domovima na području Zeničko-dobojskog kantona, broj: 10-38-13294/13., od 13.06.2013. godine i čini sastavni dio ovog zaključka.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 11.06.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,

1x Stručna služba Skupštine,

1x a/a.

U vezi sa aktom Stručne službe Skupštine Kantona, broj: 01-38-12051/15., od 08.06.2015. godine, vezanoj za podnesenu inicijativu poslanika Amira Ganića, vezane za izmjene i dopune Kriterija o načinu bodovanja kandidata prilikom zasnivanja radnog odnosa nastavnika, stručnih saradnika i odgajatelja i ostalih zaposlenika u osnovnim i srednjim školama i đačkim domovima na području ZDK-a, broj: 10-38-13294/13., od 13.06.2013. godine, resorno ministarstvo daje sljedeće:

MIŠLJENJE

Uvažavajući činjenicu da je u momentu podnošenja ove inicijative, resorno ministarstvo, zajedno sa ovlaštenim predstavnicima obrazovnih sindikata ZDK-a, kao našim socijalnim partnerima i supotpisnicima ovog značajnog dokumenta, već pristupila adekvatnim izmjenama i dopunama, odnosno inoviranju istih, te ovaj posao uspješno završilo, predmetna inicijativa je svakako bila dodatno i pažljivo razmotrena od strane svih učesnika u procesu, nakon čega je zauzeto jedinstveno stajalište da njena realizacija, nije bila prihvatljiva za donosioc dokumenta. Naime, odgojno-obrazovna djelatnost je zbog velikog društvenog interesa odnosno značaja, jedna od bolje uređenih u normativno-pravnom smislu, i kao takva, usaglašena sa drugim propisima, a posebno sa dijelom radnog zakonodavstva, jer naše škole rade upravo po odredbama Zakona o radu F BiH, kao i preuzetog Zakona o ustanovama, tako da ne postoji mogućnost da se u našim propisima, ova pitanja regulišu drugačije. S tim u vezi želimo naglasiti i činjenicu da upisani radni staž na poslovima obrazovanja, a realizovan zbog neodložne hitnosti izvođenja nastave, (rad po instrukcijama ili uputstvima Ministarstva o angažovanju nestručnih nastavnika na određeno vrijeme), a koji je upisan u radnu knjižicu kandidata, (dakle javnu ispravu), i za koji su plaćeni svi zakonski doprinosi, ne može biti drugačije tretiran ili bodovan po obavezujućim Kriterijima, jer bi svako suprotno postupanje značilo akt izvjesne diskriminacije na aktuelnom tržištu rada prema takvim kandidatima. Dakle, ukoliko je kandidat bio radno angažovan u školi koja prethodno, na tržištu rada nije mogla pribaviti stručno-verificiranog nastavnika, (diploma, položen stručni ispit i slično), takav staž se mora bodovati jednako kao i svaki drugi upisani i realizovani staž u obrazovanju.

Stoga, a imajući u vidu naprijed navedeno činjenično-pravno stanje, mišljenja smo da u ovom aktuelnom društveno-ekonomskom trenutku, nije moguće realizovati podnesenu inicijativu uvaženog zastupnika, na način u kojem je ista i predložena.